

2. *Oncosperma filamentosa*, BL. *Rumphia II*, 97. — J.
  3. *Saguerus Rumphii*, ROXB. *Fl. Ind. III*, 626 (S. saccharifer, BL. *Rumphia II*, 126, Tab. 123—124.) — J. C.
  4. *Caryota Rumphiana*, MART. *Palm.* 195. BL. *Rumphia II*, 140 (RUMPH. Herb. amb. I, 64, Tab. XIV). Banjermassing. — J.
  5. *Caryota furfuracea*, BLUM. in *Mart. Palm.* 195. *Rumphia l. c.* 141. — Locis alluvialibus inferioribus. — J.
  6. *Ptychosperma* species, an *appendiculata* BL.? *Rumphia l. c.* 122. — J.
  7. *Korthalsia rigida*, BL. *l. c.* 167. Tab. 157. Borneo austr. — J.
  8. *Korthalsia rostrata*, BL. *l. c.* 168. Circa flumen Dousson (MÜLLER).
  9. *Korthalsia robusta*, BL. *l. c.* 170. Tab. 117. Circa fluvium Dousson. — J.
  10. *Korthalsia angustifolia*, BL. *l. c.* 172. Circa fl. Dousson (MÜLL. et KORTH.)
  11. *Plectocomia elongata*, MART. *Palm.* 199. Tab. 114, 116, fig. 1. BL. *Rumphia II*. Tab. 158. — J.
  12. *Plectocomia Mülleri*, BL. *Rumph. III*, 75. Tab. 159. Circa montem Sakoumbang (S. MÜLLER). Differt a praecedenti spathis haud subacuminatis, sed latioribus apice brevissime subapiculatis.
  13. *Calamus viminalis*, WILLD. *Sp. II*. 203. MART. *Palm.* 205, Tab. 112. BL. *Rumphia III*, 45 et C. *viminalis heteroideus* ej. *l. c.* 46. In Borneo frequens. — J.
  14. *Calamus pulcher* (n. sp.), frondibus sub-ecirrhosis, pinna terminali depauperata angustata subinde cirrhiformi, pinnis utrinque circiter 50, per intervalla confertioribus, lineari-lanceolatis, uni-vel subtrinerviis, remote setulose serrulatis, supra nitidis, in nervo medio utrinque aculeolatis, vetustis sub-7-nerviis, vaginarum ore obliquo pilosularum aculeis crebris dissimilibus saepe basi junctis, majoribus e basi transverse complanatis fusciscentibus, rhacheos inferne complanatae caeterum trigonae aculeis saepe ternatis, loris longissimis filiformibus subcompressis dense ternatim aculeolatis, spadicibus longissimis inflorescentias 5-6 dissitas proferentibus, vaginis laxiusculis aculeolatis ligula brevi-lanceolata terminatis, inflorescentiarum spicis 5-10 alternis, singulis vagina brevi striata suffultis, spathis (bracteis) oblique truncatis, spathellis (bracteolis) cupularibus bidentulis.
- A praecedente notis propositis distincta species. *Radices* calamum scriptorium crassae, subsimplices, fasciculatae. Caudex pollicem circiter crassus, vaginis persisten-

---

characterem cognoscendum prae reliquis in censum vocandus est. Hunc in finem appositis literis J vel C indicavi, nam species, de qua sermo est, in insulis aliis malajanis vel in Peninsula Indiae jam detecta fuerit.

tibus arcte inclusus, aculeorum maximam partem deciduorum subverticillatorum cicatricibus obsitus, ex ore obliquo vaginarum aculeos fuscis compressissimos rigidos appressissimos exserens, humanam altitudinem nunc aliquoties superans, dense foliatus, inferne tantum nudus. *Vaginae* 1-2-pollicares, arctae, crassae, pallidae, striatae, glabrae, ore oblique truncatae ibique hic illic pilosulae, aculeis verticillatis dense obsitae; hi variae magnitudinis, majores pollicares e basi lata transverse compressa saepius confluentes, basi ima superne convexi, inferne concavi, subulati, fusco-flavicantes vel subcaestanei; minores multi his interpositi. *Frondium stipes* brevis semiteres, antice concavo-planus, dorso convexus, 6-8 poll. aequans; semipollicem latus, valide armatus aculeis praesertim margini sulcato insertis. *Rhachis* 3-4-pedalis, inferne complanata, superne et fore tota trigona, angulo antico acuto prominente, dorsali obtuso-convexo, aculeis deflexis solitariis vel saepe ternato-conjunctis: medio longissimo. *Segmenta* utrinque circiter 50, per intervalla confertiora, 5-6 tunc sibi approximata, basi constricta rhacheos marginibus inserta, consimilia, lineari-lanceolata acuta. 6-8 raro 9 poll. longa, 5-6 lin. in medio lata, remote spinuloso-serrulata, subtrinervia, nervo medio distinctiori aspectu quasi uninervia, (nervis omnibus parallelis tenuibus 10-14) illo aculeolos erecto-patulos fuscescentes densos vel remotos ferente, his raro pauculos minutos obferentibus; in adultis rigidiora subseptemnervia. Segmentum terminale lineare aculeato-serratum in quibusdam prorsus loriforme, aliquot pollices longum. *Lorum* e vaginae apice fere ortum, oppositifolium, longissimum, frondem superans, basi vaginans, caeterum compressiusculum tenue, aculeis plerumque ternato-conjunctis fuscis recurvatis pungentissimis obsitum. *Spadix* longissimus, vaginatus, 5-6 inflorescentias laterales proferens. *Vaginae* laxiusculae aculeolatae, lamina parva brevi lanceolata terminatae, quidpiam compressae. *Inflorescentia singula* (vel spadiceis rami) 5-10 spicas alternas e spathula vaginali brevi striata exsertas, 2-3-pollicares proferens. *Flores* haud valde densi, spatia vacua hic illic in rhachi sistentes. *Spatha* (bractea) striata oblique cyathiformis. *Spathollula* cupularis bidentula. *Alabastra* conica; calyx tridentatus. *Petala* 3 linearia. *Ovarium* nanum, absque stigmate? *Filamenta* basi cohaerentia; *antherae* lineares basi emarginatae.

15. *Calamus borneensis* (n. sp.), vaginae ore obliquo laminam oblongam apice setoso-ciliatam ferentibus, frondium ecirrhosarum rhachi semitereti-compressa sursum subtrigona, aculeis teretiusculis subrecurvis, segmentis utrinque circiter 3-4, membranaceis, lato-lanceolatis, superioribus majoribus, trinerviis, setuloso-ciliatis, ciliis ad apicem densioribus nigricantibus, inque nervis 3 majoribus subtus minutissime aculeolatis, loris tenuibus teretiusculis vel subcompressis, recurvato-aculeatis, spadiceis elongatis vaginatis aculeolatis, vaginae lamina lanceolato-triangulari ciliato-setulosa instructis, in-